

## 3 Jon

<sup>1</sup> I dere așeta, Keriso so whi țeteróló kaae tare whi disi mo fo tuamó bitu, yało hosaa muóló, yaala sókó fu betere no Kaius-paae dapó.

<sup>2</sup> Yało hosaa mole no-ó, yało yamó Talepaae momarótu betere ala i ape. Naa kepe bete tuamó wisi ala irure kaae, naao tó tikimókélé me kisi daani, mo wisiyóló bitu, mepaae dere ala fea yópóló kisipa mutu, momarótu beterapó.

<sup>3</sup> Mepaae Keriso norape ę beterepaae wóló, ya mo bete mole fo tuamó bitu, ai fotóró eraté fu beterapó dere fo wosaletiné, ę doasiné hajné sukutu beterapó.

<sup>4</sup> Yało naale senaale dią mo fo tuamó bitu, ai fo sya fóló erótu beterapó dere fo woseturaalu, dere hajné kae kae alamó dere haj mo bosenée falapó.

<sup>5</sup> Yało hosaa mole no-ó, mepaae naao tuénire whirapekélé, Talené ala eróturaalu, Keriso norapepóló tao su betere alata, mo wisirapó.

<sup>6</sup> Ya tuamó yaala sókó fole ala mulu, ai whirape wisiyóló dape sale fo atimané i betó mole Keriso so whipaae ene walepó. Térapa, me sukamókélé atéro Talené kutó diratere whirape ya beterepaae wapa, Kótóné ama hamokoróló matere ala sya fóló, atimané yaąą dere ọla sumó melóló, atima faaire tikipaae fópóló yae. Aita, mo wisi ala dapó.

<sup>7</sup> Ti atima be taaróló, Talené doi eraté kotepa, Tale tuénire so whiné atima ya yątere ọla tao sere alakélé inipó.

<sup>8</sup> Atérapa, ɖa fea touyóló Talené mo bete mole fo eróturaalu, atei kaae wh̄rape mo wisiyóló dape sóró, tao sere ala depa mo wisirapó.

<sup>9</sup> Keriso so wh̄paeta, fea fo aseýóló dotonaleteti, ai so wh̄ t̄eteróló kaae tawaai ekele du betere wh̄ Diotrepes-né ɖané dere fo mopóló woseni, dow̄ae felepó.

<sup>10</sup> Atérapa, ɛ aipaae wapa, ti ai sekéné ɖané doi doróló folokolerótu betere fo dīpaae yaalopó. Ai ala maaté mei, mepaae Keriso norapekéle wisiyóló dape sini yóo, mepaae wh̄iné dape saai kisipa mutupa, ti ai so wh̄ atima Keriso so wh̄tamo touyóló betaqsóró h̄kó falóo, du beterapó.

<sup>11</sup> Ȳalo hosaa mole no-ó, atei kaae dowi ala s̄uróló ini, mepaae dere wisi ala ti s̄uróló yae. Mepaae wh̄ de wisi ala du betepa, ti Kótóné ama wh̄tóró beterapó. Mepaae dowi ala du betere wh̄iné ti Kótó mo kolókéle inipó.

<sup>12</sup> Demitrias-né du betere ala so wh̄ feané kilitu, a mo wh̄ wisipó du beterapó. Kale mo fonékéle, ama wisi ala ɖapóló h̄akearótu beterapó. Ti ama dere ala ɖanékéle mo wisiyóló kolóló, mo beta kaae fotóró ɖapó. ɖané kelale ala dīpaae i deretei, motóró ɖapóló kisipa muae.

<sup>13</sup> Ȳalo dīpaae yaai dere fo dekéro mupatei, asemó dere h̄tepa taalatapó.

<sup>14</sup> Ti noatepae, ɛ dī beterepaae wóló, dītamo kelepaa k̄aetamo yaai, mo felekemó waai kisipa mutapó.

Kótóné hosaa muni deyóló mo dua betere ala dī tuamó mulópóló yae. Imó betó mole ne no-

rapenékélé diãpaae mo doa kọleó dapó. Aimó betó mole no nerape atima dokọ feapaae mo doa kọleó, dapó yae.

**Yesu Kerisoné So Whi Tao Sere Kisi Fo Wisi  
The New Testament in the Falopa Language of Papua  
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

    You include the above copyright and source information.

    You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

---

PDF generated using Haiola and XeLaTeX on 18 Mar 2025 from source files dated 31 Aug 2023

0102a9df-173c-5a64-b766-14ab67a86105